



Cafodd Iesu ei eni ym Methlehem

www.lambsongs.co.nz Gan Jill Kemp (Cyf. Susan Williams) Lluniau: Richard Gunther




Ni chafodd Iesu ei eni mewn palas na thŷ mawr, crand. Cafodd ei eni mewn stabl mewn tref fechan o'r enw Bethlehem. Doedd dim crud hyd yn oed ar ei gyfer.




Roedd Joseff y saer yn byw yn nhref Nasareth. Un noson anfonodd Duw yr angel Gabriel ato i ddweud wrtho fod y babi roedd Mair yn ei ddisgwyl yn Fab Duw, yr Un oedd wedi ei addo. Roedd angen i Joseff briodi Mair a gofalu amdani hi a'r babi bach.



Roedd yr Ymeradwr Awgustws eisiau rhagor o arian trethi. Pasiodd ddeddf newydd. Roedd yn rhaid i bawb ddychwelyd i drefi eu hynafiaid er mwyn rhoi eu henwau ar gofrestr arbennig, felly bu'n rhaid i Joseff fynd yn ôl i Fethlehem.




"Roedd un o fy hynafiaid, Dafydd, yn dod o Fethlehem," meddai Joseff wrth Mair, "felly bydd yn rhaid i mi fynd yno i gofrestru. Bydd yn rhaid i ti ddog hefyd er dy fod yn agos i roi genedigaeth. Mae Duw am i mi ofalu amdanat ti a'r babi."



Cymerodd tua tridiau iddyn nhw fynd i Fethlehem ac fe gafodd Mair ei chario ar gefn yr asyn. Roedd yn siwrnai anodd dros dir garw ac roedd Mair wedi blino'n lân ac yn hynod o anghyfforddus.



Roedd cymaint o bobl wedi dod i Fethlehem i gofrestru a doedd yna'r un lle i Mair a Joseff aros heblaw am stabl ddrewllyd ble cysgai'r anifeiliaid.



Y noson honno ganed y baban Iesu, y Gwaredwr oedd Duw wedi ei addo, yn y stabl ym Methlehem.



Galwodd Mair a Joseff y baban yn Iesu yn union fel roedd yr angel wedi dweud wrthyn nhw am wneud. Lapon nhw'r bychan mewn cadach llin meddal a gwneud crud iddo yn y preseb oedd yn dal yr ŷd.